

5  
**PROGRAMMA CRITICVM**

DE  
GENVINA LECTIONE AC SCRIPTONE  
VOCIS

תסידר

TON OΣION ΣΟΥ

*Psal. XVI, 10. coll. Actor. II, 29. et XIII, 35. seqq.*

QVO  
AD BENEVOLE AVDIENDAM  
ORATIONEM

QVA  
SERENISSIMIS  
SAXONIAE DVCIBVS  
CLEMENTISSIMIS  
HVIVS ACADEMIAE  
NVTRITORIBVS

PRO  
PHILOSOPHIAE EXTRAORDINARIA  
PROFESSIONE

IN INCLYTA HAC ACADEMIA  
CLEMENTISSIME SIBI DECRETA ET RITE COLLATA  
SVBMISSISSIMAS PVBLICASQVE GRATIAS ACTVRVS



AVDITORES OMNIVM ORDINVM AC  
DIGNITATVM SPECTATISSIMOS  
EA QVA PAR EST OBSERVANTIA ET SVMMA HVMANITATE  
INVITAT  
**IOH. LEONH. RECKENBERGERVS.**





*compendio de doctrina de accentibus hebraeorum f)* exposui. Sed interea temporis in aliquem scripturae sacrae locum incidi, *illis* qui fauere videntur, qui *variantibus codicis sacri lectionibus auctoritatem originemque diuinam* conciliare student. Est hic ille locus, quem in frontispicio statim collocaui ex Ps. XVI, 10. quemue SALOMO GLASSIVS *g)* *illis* annumerat, in quibus quaedam abundat litera. In hoc scripturae loco literae חסידך hisce cum punctis vocalibus חסידך *sancti tui* cum suffixo secundae pluralis masculini generis legi possent. Huic lectioni non *series textus*, non *linguae genius* repugnat. Namque *distributiua significatio*, quam verbum pluralis numeri in constructione cum numeri singularis nomine, et nomen plurale cum verbo singularis numeri efficit, nota est. Proinde, vi huius linguae hebraeorum proprietatis, *h)* hanc vocem חסידך verteres: *illum sanctorum tuorum videre corruptionem*. Sic *series* orationis textus nostri haec esset: *non derelinques animam meam* in

לשניהם כל אחד ואחד במקומו ונראה כי המלות האלה נמצאו כן לפי שבגלות ראשונה אברו הספרים ונטלטלו והחכמים יודעי התורה מנו ואנשי כנסת הגדולה שהזכירו התורה ליושנה מצאו מחלוקת בספרים והלכו בהם אחר הרוב לפי דעתם ובמקום שלא השיגה רעתם על הברור כתבו האחד ולא נקדו או כתבו מבחוץ ולא כתבו מבפנים וכן כתבו בררך אחר מבפנים ובררך אחר מבחוץ:

*Describam quoque, inquit, rationem scriptiois et lectionis; etiam scriptiois et non lectionis: itidem lectionis et non scriptiois: Et potero dare rationem amborum istorum, cuiusvisque in loco suo: Videturque quod fides istae ita deprehendantur, eo quod in deportatione priori perire libri et ablati sunt, sapientesque scientes legem mortui sunt; Viri autem synagogae magnae, qui restiterunt legem in pristinum statum, deprehenderunt diuersitatem in libris, ideo in illis secuti sunt multitudinem iuxta sententiam illorum, et illo in loco in quo non affecta est sententia illorum perspicuitatem: scripserunt enim, sed non punctarunt, aut scripserunt extrinsecus (in margine) et non scripserunt intrinsecus (in textu) siquae alia ratione in textu et alia ratione in margine scripserunt. Ad-datur 10. CLERICI diff. praelim. 11. in Pentat. §. 8.*

*f)* In disputatuncula de diuina accentuum codicis sacri V.T. origine §. XLVI-LIV. pag. 31-37. ibi praemissa.

*g)* In Philologia sacra libr. I. tract. I. col. 6.

*h)* Vid. SALOMO GLASSIVS in Philolog. sacra. libr. III. tract. III. can. 811. et LIII. 10. ANDR. DANZIVS in interprete §. 80. II. 1. Synops., sed mai. edit. §. 114. et §. 115. Item §. 81. 2., mai. edit. §. 115.

in inferioribus terrae partibus ( in inferno ), non permittes, ut vltus e sanctis tuis videat corruptionem. Sed hac ratione res ipsa esset falsissima. Sancti enim Dei homines tantum non omnes mortui sunt et putruerunt, seu corruptionem viderunt. Et si vel maxime contenderes, hisce verbis peculiarem inesse promissionem, aliquos saltem pios concernentem, ita vt haec constructio partitiuam significationem haberet, cuiusmodi exempla itidem in codice sacro deprehenduntur. i ) : tamen antecedentia huius commatis verba : non derelinques animam meam cet. cum verbis eiusdem commatis consequentibus : non permittes, vt aliquis sanctorum tuorum videat corruptionem, non concordarent. Priora enim verba de vnico quodam singulari indiuiduo agunt, posteriora de pluribus. Verum si et haec horum textus verborum tibi placeret versio : tamen id ipsum in hac obseruatione Masoretharum non sine causa, sed prudenter, annotatum esset. Inde sua sponte alium hisce verbis inesse sensum consequitur, quem lectio in margine posita suppeditat, quae diuinam adeo arguere videtur originem k ). Ipse DAVID, de quo forte, inductus ipsa psalmi huius inscriptione v. 1., hunc agere psalmum existimares, teste LVCA, vel PETRO, Act. II, 29. mortuus est, et corruptionem vidit, qui tamen hunc iuxta sensum eam experiri non debuisset, etiam alii e iudaeorum maioribus sancti a vermibus in sepulchro ex communi mortalium lege absumti sunt. Ergone litera v ) vt abundans hoc loco consideranda est, et vt otiosa prorsus abiicienda est, an vero thronus diuinae originis huic ad minimum lectioni concedendus est? Neutrum, ex nostra quidem sententia, tuto, recte ac solide ex hisce praemissis elicitur.

Nihil hucusque vrget, vt meam de hac re sententiam mutem, quam alibi l ) pluribus probatum iui, scilicet, quod variantibus codicis sacri V. T. lectionibus diuina inspiratio abiudicanda, iisque interpretationis ratio vindicanda sit. Itaque hoc loco mihi euincendum erit, quod haec nota marginalis saltem interpretationis rationem habeat. Huic praeterea

A 3

hoc

i) Vid. IO. ANDR. DANZII *synops. interpr. ebr. chald.* §. 80. II. 1. not. x.

\*) MATTHAEVS HILLERVS, Log. Metaph. et Lingg. Or. Prof. Tubing., de *artano Kethib et Keri*. Tub. clxxv cxcix. in 8. pag. 297. *Stramque lectionem coniungit*; sed neque *Socii. significationi*, neque *textui* satisfacit, veritens הַסִּירִיךְ cui te benignum exhibes; item הַסִּירִיךְ quibus te benignum exhibes. Non permittes, vt quos benignitate prosequeris, videant corruptionem. Pro quo PETRVS : ἡδὲ ἡ σαρξ αὐτοῦ εἶδε διαφθοράν, x. τ. λ. Act. II, 31. Aliter IOH. COCCEIVS in *lex.* ad vocem סִירִי sentit, scribens : *Keri lectio hic potius sequenda, quam Cethib literae, quae exstant, cetera.*

f) In *disputatiuncula* de diuina accentuum origine, compendio doctrinae de accentibus ebr. praemissa. §. 48.

hoc subiungam, quod haec marginalis observatio nihil in se contineat, quod hebraeorum linguae genio aduersaretur. Illi, quibus diuina sacri codicis auctoritas extra dubitationis aleam posita est, lubentes concedent, quod notae nostri textus marginali SANCTVS ille SPIRITVS, quo dictante et impellente codex facit in literas relatus est, in nouo foedere summam auctoritatem conciliauerit. Nec est, quod obiciat, LVCAM actorem auctorem secundarium versionem septuaginta viralem hoc in loco secutum esse reddentem: τὸν ἁγίον αὐτὸν, sanctum tuum. Nam scriptores sacri noui foederis, verba versionis septuaginta interpretum adducentes, illos illis in locis correxerunt, in quibus illi a mente SPIRITVS SANCTI recesserunt, cuiusmodi exempla passim obuia sunt. Iam vero huiusmodi correctio in nostro hoc loco facta non est, vnde satis constat, quod haec lectio septuaginta interpretum ad mentem diuinam fuerit. Ad haec Act. II, 25. expresse dicitur: Δαβὶδ λέγει ἐκ δούλῳ, DAVID dicit de ipso m), scilicet IESV NAZARENO, v. 22. vnde patet, quod noster psalmus de MVNDI SALVATORE agat n). Inde tamen non sequitur, notae in margine hic positae diuinam originemtribuendam esse: alias et hoc sequeretur, quod verba cuiuslibet interpretis, quibus mentem scriptoris sacri exprimit, diuinae originis sint, quod nemo, ut opinor, dixerit. Facile inducor, hanc observationem vocὶ מְסִיחַ in margine hac de causa additam esse, ut et vera huius vocis lectio conseruaretur; et genuina mens declararetur. Facile enim fieri potuisset, ut inde magnus error prouenisset: si legissemus מְסִיחַי sancti tui. Agit enim hic psalmus de CHRISTO, seu de Messia generis humani redemptore: sistit eius mortem resurrectionemque, impediendam quominus Messias putrefactionem et corruptionem experiretur, quam DAVID alique sancti sunt experti. Act. II, 29. XIII, 35. 36. 37. Namque mens scriptoris sacri in psalmo huc rediisset: DEVM non permitturum, ut exanime corpus Messiae in partibus terrae inferioribus permaneret, neque ut vilius et sanctis eius, seu piis hominibus, experiretur corruptionem. Ex hoc ad minimum inferri potuisset, hunc psalmum de totius terrarum orbis seruatore non agere. Forte iam istis temporibus illa punctorum ratio, quam deinceps explanaturi sumus, in desuetudinem venerat, ut eam hic in margine merito annotarent. Hac vice mihi perinde est, quam quis de hebraeorum punctis vocalibus sententiam amplexus fuerit, siue illis diuinam, siue humanam originem concesserit o).

In

m) Exempla, quae euincunt, quod haec phrasis in codice sacro ita capiatur, vide in SALOM. GLASSII philol. sacr. libr. III. trad. VI. can. V. t.

n) Vid. LUTHERVS in Ps. XVI. Tom. II. opp. Lat. Ien.

o) Vid. AVGVSTI PFEIFFERI introductio in orientem diss. IV. de Vocalibus et accentibus hebraeorum qu. 2. ubi auctores huc spectantes copiose in medium profert.

In hoc praesenti negotio ostendisse sufficiet, quod in hoc punctorum positu nil contra *hebraeorum linguae genium* sit commissum. Illa, quae hic expressa in textu puncta legis, ad notam marginalem, in qua *sed abundare* perhibetur, suam relationem habent, adeoque sequentes consonas cum his vocalibus punctis legas **קדשך** *sanctum tuum*, apud septuaginta interpretes, et in textu novi testamenti: τὸν ὁσίον α. Sic, inquis, litterae a deo sacris scriptoribus non sunt inspiratae, cum nobis litteram *ve* textu abicere liceat? Itane iudaei non sibi duxere religioni divinae *legi* vel *addere* quicquam, vel *destrahere*? Videsne iudaeorum audaciam, qui *IESU NAZARENO* asserenti: *nullum iota de divina lege perituum* Matth. V, 18. in faciem contradicere et cum mendacii arguere sustinent, huiusmodi exempla in medium proferentes, in quibus litteram *ve* desiderari annotatum est? Verum ita lectionis huius marginalis auctoribus summa fieret iniuria. Nam si fuerunt iudaei, illis nil quicquam mutare hac in re vi divinae legis *p*) licuit. Imo vero legem potius contra Christum huiusque affectas, quantum in illis erat conseruauerunt, quam ausu quodam temerario deprauauerunt. Vid. HADR. REELANDVS in *Palaeestina* libr. III. pag. 644. q) Ergone, instas, vocales, quae sunt divinae originis, interciderunt? aut ego furus: litterae codicis sacri veteris testamenti nihilominus a deo sunt inspiratae, non obstante, quod genuina vocalium lectio in margine posita sit, nec littera *ve* in textu exstans abiecta est, sed saltem in margine ostensum, quatenam sit absque illa lectio, viū forte tunc temporis receptior, qua sensus vocis legitimus ad posteritatem est propagatus; vocales hic omnino adsunt inuolatae, et incorruptae, ut mox in sequentibus ostensuri sumus. Quod vox **קדשך** in *singulari* numero cum *suffixo* secundae masculini singularis legenda et vertenda sit: *sanctum tuum*, non *textus* solum *series* et *parallelismus* novi foederis, sed etiam *antiquae versiones* cuneunt. *Textus* quidem *series* et scripturae sacrae *parallelismus*, ut supra iam monstrauimus, hoc vel imprimis in aprico ponunt; *versiones* autem *antiquae* hoc comprobant, quod et olim haec lectio lectioni litterarum possibili anteposita sit. *Chaldaea paraphrasis in bibliis Basileensibus* 10. BVXTORFII hanc vocem l. c. reddit per **קדשך** *iustum tuum*. Alexandrini interpretes idem vocabulum graece reddunt: τὸν ὁσίον α, quorum lectionem suo ipse SPIRITVS SANCTVS calculo approbat. Ab hoc sensu et *vulgatus interpres* non recedit hoc comma hac ratione exprimens: *non derelinques ani-*

*nam*

p) Dent. IV, 2. XII, 32. XXVIII, 14. et Prou. XXX, 6. Addantur RAMBA-  
CHII institut. *hermeneut. sacr. libr. I. cap. II. §. 6. \*\**

q) Sub voce *Bethlehem*, ego, scribit, *nihil a iudeis erasum esse ex codice hebraeo existimo*. Maior est eorum veneration et superstitio erga sacrum codicem, quam sit illam Sittiasse consulto et de industria *conferri* possint, tantum sit hostibus suis, id est nobis, nocerent, cet.

*man meam in inferno : nec dabis sanctum tuum videre corruptionem.* In Syriaca noui testamenti *versione* verba Act. II, 27. et XIII, 35. etiam ita transferuntur, ut vox חטיר in numero singulari legatur : non concedes sanctum tuum videre corruptionem. Quae igitur litterarum punctorumque vocalium hoc in loco et hac in voce ratio sit, breuiter, saluo tamen aliorum de hac re iudicio, exponam. Non in sacra solum scriptura, sed etiam in profanis iudeorum scriptis, exempla deprehendo, quae, ut puto, euincunt, quod litera ם actualis cuiusdam litterae motus, seu schwa-tis, ut cum Grammaticis loquar, b. l. simplicis nota sit. Iam non de illo solliciti sumus, an haec antiqua punctorum ratio, adhuc in codice sacro ex quorundam sententia superstes, fuerit, quae in literis, quas potissimum matres lectionis dicunt, omnis sita fuerit. Neque etiam hoc nos iam magnopere habebit, quomodo contigerit, ut illa punctorum ratio in usu esse desineret. Hoc pro fine nostro hic ostendisse sufficiat, quod ex ipsa haec marginali nota, et ex euidentibus aliis scripturae sacrae locis et exemplis pluribus profanis, patescat, quod illa punctorum antiqua ratio cognita olim fuerit, sed successu temporis minus usitata esse ceperit, quae causa fuit, cur nostro huic loco hanc obseruationem adicerent. At cum prolixiori cuiusdam disquisitioni locus hic non sit : nostro fini satisfacisse putabimur, si tot ex sacra scriptura et ex profanis scriptoribus exempla produxerimus, quot sufficere critico huic negotio crediderimus. In codice sacro veteris testamenti, tam in idiomate hebraeo, de quo hic potissimum quaestio est, quam in chaldaea dialecto huiusmodi exempla, quaedam omni forte maiora exceptione, consignata offenduntur. Sic in codice bebraeo Zach. I, 4. legitur vox וּמַעְלִיכֶם et opera vestra, cui vocabulo haec in margine adiecta est obseruatio : ם לִיטֵרָא litera Iod hoc loco redundat. Foran in hac obseruatione respectus habetur ad formam huius vocis v. 6. huius capitis currentem וּמַעְלִיכֶם et secundum opera nostra ? Sed hoc modo puncta grammaticis inepta essent, quod non omnibus aequè placeret philologis. Verum si dixerimus, litteram ם et hoc loco matrem lectionis esse, nihil, quod a veritate alienum esset, proferemus. Itaque vi huius asserti scriberes legeres וּמַעְלִיכֶם, ut haec vocis forma Ier. IV, 4. legitur, vel cum litera ם, ut matre lectionis, inter duo ל inserta, ut haec forma huius vocis in textu exstat וּמַעְלִיכֶם, manente eodem sensu. Deinde suppetit mihi locus Ier. XV, 16. in quo litterae דברך in textu scriptae sunt, quas punctis vocalibus destitutas דְּבַרְךָ, ut huius vocabuli forma statim praecedat, legeres, adeoque verteres : verba tua. Sed nota in margine adiecta vult lectionem huius vocabuli absque litera ם, cum suffixo secundae personae masculini generis singularis numeri, nempe דְּבַרְךָ verbum tuum. In hoc certe loco utraque lectio sensum pareret haud in-

commo-



commodum r). Nam si hoc vocabulum iuxta literas in textu scriptas legeres **רְבִירִי** : hic sensus verborum textus esset : *tunc erit verba tua mihi gaudium et lactitia cordis mei*, hoc est *unumquodque verborum tuorum*, cetera. Quodsi hoc vocabulum iuxta notam in margine positam legeris cum suffixo secundae singularis masculini generis **רְבִירִי** *verbum tuum* : sensus erit : *tunc erit verbum tuum mihi (meum) gaudium et lactitia cordis mei*. Hac in re habebis *versiones* aliquas antiquiores tibi consentientes, ut *septuaginta* illos *seniores Alexandrinos* hunc locum transferentes : **καὶ ἔσται ὁ λόγος σου ἐμὸν εἰς ἐὺφροσύνην καὶ χαρὰν καρδίας μου**. Huius versionis verba *versio vulgata* hoc modo prosequitur : *et factum est mihi verbum tuum in gaudium et lactitiam cordis mei*. Chaldaea *paraphrasis* singularem numerum etiam his in verbis observat ea sic exprimens **והוּוּ מִסְרָךְ לִי לְבִיעַ וְלַחֲדוֹת לְבִי** *eritque verbum tuum mihi in lactitiam et gaudium cordis mei*. Ex cum locus Pf. XVI, 10. lectionem in margine conspicuam vergeat, non video quid obstat, quominus et illam, ut modo dictum est, etiam hoc in loco sequamur. Verum obiciis : *haec ratio- ne literas in textu positae deferri, et in margine ab hominibus adiectas arripi*. Sed per marginalem huiusmodi observationem genuina vocis in textu positae lectio subministratur, et scriptae in textu literae asseruantur. Eadem vox eademque constructio verbi singularis numeri Iud. XIII, 17. occurrit, ubi *Manoah* ex angelo quaerit : *quodnam est nomen tuum?* **וְיָבֵא רַבִּירִי**, *cum aduenerit verbum tuum, honoremus te*. Hic in margine *litera* **א** *abundare* dicitur et forma suffixi singularis numeri asseritur. Nihilominus haec verba ex *significatione distributiva* verti possent : *cum venerit quoduis verborum tuorum*, qua tamen distributiva significatione opus non est, si *literam* **א**, ex nostra quidem sententia, pro *matre lectionis* literae **ר** reputaveris. Et ita vertunt *Vulgatus*, *quod est tibi nomen?* **וְיָבֵא רַבִּירִי** *ut si sermo tuus fuerit expletus, honoremus te, et Alexandrini interpretes* : **ὅτι ἔλθῃ τοι ῥημά σου, καὶ δοξάσωμέν σε**. *Paraphrastes Chaldaeus* ad hunc locum haec verba substituit : **אִי יִתְקִימוֹן פִּתְנָמְךָ** *cum seruata fuerint verbum tuum*. Ad hunc adductum ex Iud. XIII, 17. locum *Maiores* textualis *parua* haec notat : **רַבִּירִי** *quinquies legi*. Atque hoc vocabulum **רַבִּירִי** cum hisce punctis adhuc aliquoties in co-  
B dice

r) Ita certe R. DAVID KIMCHI in comment. ad h. l. sentit : **וְיָבֵא רַבִּירִי** *ut si sermo tuus fuerit expletus, honoremus te, et Alexandrini interpretes* : **ὅτι ἔλθῃ τοι ῥημά σου, καὶ δοξάσωμέν σε**. *Paraphrastes Chaldaeus* ad hunc locum haec verba substituit : **אִי יִתְקִימוֹן פִּתְנָמְךָ** *cum seruata fuerint verbum tuum*. Ad hunc adductum ex Iud. XIII, 17. locum *Maiores* textualis *parua* haec notat : **רַבִּירִי** *quinquies legi*. Atque hoc vocabulum **רַבִּירִי** cum hisce punctis adhuc aliquoties in co-  
B dice

dice sacro veteris testamenti occurrit, vbi Masorethae simili ratione obseruationes suas in margine adiecerunt. Ita occurrit 1 Reg. VIII, 26. **יִאֲמַן נָא רַבְרִיק** *verificetur quaeſo verbum tuum*. Nisi rursus distributiuam constructionem praeferre velis <sup>1)</sup>: dicendum tibi erit, formam verbi singularis numeri **יִאֲמַן** vrgeri lectionem vocis **רַבְרִיק** in singulari numero, vt *Masorethae* id ipsum annotarunt, adeoque, ex nostra quidem hypothesi, littera **י** lectionem praecedentis litterae **ר** actuale indicat. Alias enim dicendum legendumque fuisset **יִאֲמַנָּה נָא רַבְרִיק** *verificentur quaeſo verba tua*. Eadem ratio est loci 1 Reg. XXII, 13. **יְהִי נָא רַבְרִיק** *sic quaeſo verbum tuum*, vbi rursus verbum **יְהִי** singularis numeri, vocem singularis numeri **רַבְרִיק**, quam marginalis nota interpretationis gratia substituit, oppido requirit, nisi sine praegnantia causa te ad constructionem distributiuam recipere velis. Idem a *Masorethis* Esr. X, 12. ad vocem **כַּרְכַּרִּיק** in margine; et Ps. CXIX, 147. ad vocabulum **לְרַבְרִיק** annotatur. Ad eiusdem psalmi versum 130. *masora* textualis *parua* haec habet: **וְ כָל בָּאֵךְ** *ter vox. רַבְרִיק in alphabetico scribitur*; vbi *masora* textualis *magna* haec addit: **חֲרָקִי וְ** *Ps. CXIX, 57. Thren. III, 24. et צַחֲתִי קָמָתִי Ps. CXIX, 139. etiam masora textualis parua ad 1 Reg. VIII, 26. obseruat: osties scribi רַבְרִיק et legi רַבְרַךְ, vbi paraphrastes chaldaeus in numero multitudinis per פְּרַבְרִיק vertit.*

Nec aliis huiusmodi exemplis destituimur in aliis hebraei codicis vocibus, quae hanc isto tempore visitatam punctationem satis, vt opinor, cuiuncunt. Sic textus Ps. CXLV, 6. proponit vocem **וְגִדְלוֹתֶיךָ**, sed marginalis obseruatio litteram **ל** omittit, hoc modo litteras praefribens **וְגִדְלוֹתֶיךָ**, quod forte ad formam huius vocabuli respexit, quae v. 3. adfuit. Nec putamus tamen cum MATTHAEO HILLERO† legendum esse **וְגִדְלוֹתֶיךָ** atque praeterea quoque **וְגִדְלוֹתֶיךָ**, sed nostram assertionem et hic repetimus. Vocabulum **אִיבִיךָ** hac ratione punctis notatum 1 Sam. XXIV, 5. conspicitur: vbi Davidis serui de vnico regis hoste, nimirum Saule, tunc temporis in spelunca commorante, verba faciunt <sup>1)</sup>. Simili ratione Abisſchaj de vnico Saule

<sup>1)</sup> Vt iterum R. DAVID KIMCHI h. l. in *comment.* suo interpretatur: **רַבְרִיק** *Vox רַבְרִיק כְּחֵיב עַל הַפֶּרֶט וְקִי רַבְרִיק עַל הַכְּלָלִי*: in *Kethibb* particulariter; sed *Box* **רַבְרִיק** in *Keri* vniuersaliter, accipienda est.

† De *arcano Kethibb* et *Keri* pag. 283. edit. Tubing. 1852. 8.

<sup>2)</sup> R. DAVID KIMCHI ad h. l. vtramque hanc lectionem coniungit: **אָנֹכִי דָוִד אֲמַר לוֹ אַחֵר שֶׁהָאֵל הַבְּטִיחַן שֶׁיִּתֵּן אוֹיְבֶיךָ בִּידֶיךָ הֵנָּה שְׂאוֹר רֹאשׁ אוֹיְבֶיךָ וְהֵנָּה עֵתָּה הִנֵּעַ הַיּוֹם כִּי הֵנָּה הוּא בִּידֶךָ וְדַעַם זֶה פִּירְשׁוֹ שֶׁכָּתִיב אוֹיְבֶיךָ וְקִי אוֹיְבֶיךָ** *Viri Davidis, iniqui, dixerunt ad illum: quandoquidem Deus te bono esse animo iussit, fo-*

Saule 1 Sam. XXVI, 8. locutus est : et eadem huius vocis punctatio etiam Prou. XXIV, 17. offenditur. Dixit David II. Sam. I, 16. דָּמַיִם *sanguis tuus*, vt nota marginalis praecipit, non sanguines, vt literae (textus legi potuissent u). Claude, inquit lesaias cap. XXVI, 20. מִן הַיָּמִין *mi popule ianuam tuam post te, cum tua in conclauia abieris* : non ianuas tuas, quam punctationem textus literae admitterent.

Ab his euidentibus locis ad illa, quae in idiomate hebraeo minus euidentia sunt, progredimur. Verre יָדְךָ *manum tuam*, non autem *manus tuas*, vt literae legi possent cum punctis vocalibus, I. Reg. XXII, 34. x) et II. Chron. XVIII, 33. dicitur. Sic quoque eadem vox יָדְךָ eodem sensu legitur Ios. X, 8. et Prou. III, 27. Ita et haec vocabula עֲבִירֶיךָ *seruus tuus* I. Reg. I, 27. y) רֶגְלֶיךָ *pes tuus* Ecclef. IV, 17. et שְׂכִירֶיךָ Pf. LXXVII, 20. in singulari numero legenda obseruantur : vt iam Iod in fine vocibus אֲתִי I. Reg. XIV, 2. II. Reg. IV, 15. 23. VIII, 1. Ezech. XXXVI, 13. לְמַתִּי Ier. XIII, 21. et נַחֲתִי Ier. XXII, 23. adiectum taceamus.

In illa codicis sacri veteris testamenti parte, quae *chaldaea* dialecto primitus perscripta est, etiam huius generis exempla deprehendimus : quae, quamuis iam ad rem nostram proprie non faciant, quod de textus hebraei punctis et literis agimus : hoc tamen ex iis, quod dictum est, confirmari poterit, scilicet, quod per vniuersum codicem sacrum veteris testamenti ista punctationum ratio usitata sit. Sic, vt aliqua saltem pro fine nostro ex Daniele proferamus : in illo cap. III, 27. l. 28. haec verba habentur וַיִּהְיוּ גִּשְׁמֵיהֶן *et tradiderunt corpus suum*, quae huius vocis forma absque Iod v. 26. l. 27. וַיִּשְׁמְרוּ legitur. Eodem capite versu 21. פִּשְׁטֵי שִׁירָן legitur, ad quod vocabulum Masorethae in margine : Iod inter ש ו ט positum abundare, adscriperunt. Hinc IO. COCCLEIUS in lex. chald. de h.c. voce, illam *absque Iod legi*, recte obseruat. IO. ANDR. DANZIVS 2) multa ex profanis iudaeorum scriptis exempla collegit, in quibus Iod *talmudicis sebena* denotat : et si *uplicatum*, aut *triplicatum* est, illud *motum sui* indicare, ibidem asserit. Ita v. gr. iudaei dicunt atque scribunt עֲסִיקָיָן *loquimur a)* : דַּעֲתֵיהֶן

B 2

*mens*

*re, et tradat hostes tuos in manus tuas : ecce Saul princeps hostium tuorum est : proinde nunc en aduenit iste dies ; en enim ille in manu (potestate) tua est* Es hoc sensu expono, quod Cethibb habes אוֹיְבֶיךָ *hostes tuos ; sed Keri אוֹיְבֶיךָ hostem tuum.*

a) Vid. R. DAVID KIMCHI ad h. l.

x) Conf. R. DAVID KIMCHI ad h. l.

y) Euolu. R. DAVID KIMCHI in comment. ad h. l.

2) In Rabbinis. p. 15. 3. c. et § 16. f

a) Equidem IO. BVXTORFIVS in hac voce mendam suspicatur, quod in biblis Venetis עֲסִיקָיָן, quasi participium *Peil* esset, scribatur : quam tamen cuiare, si DANZIUM sequimur, possumus.

*mens* ipforum: מַעְמִירוֹ *mens*, ratio ipforum: אִנְשֵׁי *homines*: cetera. Item scribunt leguntque סֵפֶס *sepes*: אִיְיָ *adduc*: הַצְבִּיִן *voles*: הַצְבִּיִן *voletis*: cetera. Pro לְמִירָר, vt celeberrimus noster DANZIVS l. c. legit, IO. BVXTORFIVS *b*) legit scribitque לְמִירָר: ille לְמִירָר; hic vero לְמִירָר *c*) legit. Certum est, quod chaldaei scheua sub litera verbi praeformatiua magis, quam vocalem longam, frequentent *d*). Nihilominus illa ipse IO. BVXTORFIVS *e*) exempla probat, quibus nostrum hoc assertum iidem confirmatur. Ex. gr. אִתָּא *veni*; אִתָּו *venite*; וְיִיְיָ *et venient*: כְּתִיבָה *venire tuum*, seu aduentus tuus.

Eiûda igitur genuina vocabuli חֲסִידִיר lectione ac scriptione, tenemus simul sensum huius commatæ genuinum, ita exprimendum: *non permittes sanctum tuum videre corruptionem*. Act. II, 27. XIII, 35. Ex hoc quoque intelligitur, quod notiones ex codice sacro non prius tuto erui possint, quam nobis de genuina vocabulorum textus sacri lectione et scriptione certo constet. Quod cum per philologiam criticamque sacram fieri soleat et debeat: simul a nobis colligitur, quod haec media inter tricas et minutias Grammaticorum referenda non sint. Ex dictis enim constat, quod illa interdum ad fundamenta fidei pertingant, ad minimum aduersariis arma eripiant, quibus scripturam impugnare student.

Quae cum ita sint, vt hucusque contendi, quod *litera Iod signum actualis motus litterae* sit: me non abs re facturum puto, si occasionem de *veterum scriptura* publice dicendi Pridie Idûs Nou. arripiam. Nemo enim, vt existimo, de illo dubitabit, quod hucusque exposita lectionis exempla ex veterum scribendi consuetudine prouenerint; quodque SPIRITVS ALTISSIMI totum hoc negotium in S.S. quam sapientissime direxerit, omnes pîi cultores eius concedent. Mearum igitur partium est, vt ad solennem hunc actum AUDITORES omnium ordinum ac dignitatum ea, qua par est, obseruantia inuitem. Quibus vt precibus meis MAGNIFICVS DOMINVS PRO-RECTOR, ILLVSTRISSIMI DOMINI COMITES, ILLVSTRIS HVIVS ACADEMIAE PROCERES, ET RELIQA DOCENTIVM DISCENTIVMQVE CORONA, beneuole respondeant, meque SERENISSIMIS SAXONIAE DVCEBVVS CLEMENTISSIMIS MVNIFICENTISSIMISQVE HVIVS ATHENAEI NVTRITORIBVS submississimas deuotissimasque pro munere Philosophiam publice in hac academia docendi clementissime mihi demandato gratias acturum patienter audiant: hoc est, quod ab ILLIS omnibus submisisse, reuerenter ac summa humanitate contendo. P. P. Ienae d. VIII. Idûs Nouemb. A. O. R. clô Io cc xxxx.

*b*) In *Lex. talmud.* sub radice הָרָר *habitare*.

*d*) Vid. IO. BVXTORFIVS in *Lex. talmud.* sub themate הָרָר.

*e*) Vid. IO. ANDR. DANZIVS in *Compend. Grammat.* §. 47. l. 3. §.

*e*) In *Lex. talmud.* sub voce מִתָּא coi. 246. et col. 248.